



Komisija za Statut i akte

Broj: 04-GV-04-1548-1/23
Sarajevo, 20.10.2023. godine

Komisija za Statut i akte Gradskog vijeća Grada Sarajeva, na 72. sjednici zajedničkoj sa Administrativnom komisijom održanoj 20.10.2023. godine, u funkciji pripreme 32. sjednice Gradskog vijeća Grada Sarajeva, razmatrala je:

1. Utvrđivanje prijedloga zaključka u povodu razmatranja Informacije o realizaciji Odluke o pristupanju Projektu osnivanja naučno-istraživačke infrastrukture "Tech4Green"

i podnosi Gradskom vijeću Grada Sarajeva sljedeći:

IZVJEŠTAJ

TAČKA 22.

Informacija o toku realizacije Odluke o pristupanju Projektu osnivanja naučno-istraživačke infrastrukture "Tech4Green"

Poslije rasprave u kojoj su učestvovali članovi komisija, te sažetka Predsjedavajućeg sjednicom, komisije su sa 10 glasova „za“ i jednim „suzdržanim“ glasom donijele sljedeći **zaključak**:

Komisija za Statut i akte zajedno sa Administrativnom komisijom, u povodu razmatranja Informacije o realizaciji Odluke o pristupanju projektu osnivanja naučno-istraživačke infrastrukture „Tech4Green“, utvrđuje prijedlog zaključka kako je predložio Pravobranilac i upućuje Gradskom vijeću na razmatranje, i to:

1. Nalaže se Upravi Javnog preduzeća za upravljanje, zaštitu i održavanje objekata Grada Sarajeva i obavljanje komunalnih djelatnosti od javnog interesa Grada Sarajeva "Sarajevo" društvo sa ograničenom odgovornošću (skraćeno: JP Sarajevo d.o.o.), da, po potrebi u saradnji sa Pravobranilaštvom Grada Sarajevo, poduzme aktivnosti u cilju raskida Ugovora o izvođenju radova izgradnje poslovnog objekta na mjestu porušenog hotela i radova vanjskog uređenja parcele na lokalitetu „Vidikovac-Trebević“ broj: 01/04-14-4350-6/19 od 25.07.2019. godine, a kojim je JP „Sarajevo“ d.o.o. pristupilo temeljem Ugovora o ustupanju Ugovora o izvođenju radova izgradnje poslovnog objekta na mjestu porušenog hotela i radova vanjskog uređenja parcele na lokalitetu „Vidikovac-Trebević“ od 25.09.2019. godine, zaključenog između Grada Sarajevo, društva UNIGRADNJA d.d. Sarajevo i JP „Sarajevo“ d.o.o., kao i aktivnosti u cilju raskida (dva) 2 dodatno zaključenja ugovora, i to: Ugovora o izvođenju naknadnih i nepredviđenih radova na izgradnji hotela „Vidikovac-Trebević“ br. 03-2-217/20 od dana 09.03.2020. godine i Ugovora o izvođenju naknadnih i nepredviđenih radova na izgradnji hotela „Vidikovac-Trebević“ br. 03-2-1617/20 od 30.06.2020. godine, a sve u cilju stvaranja uslova za realizaciju tačaka 2. i 3. ovog zaključka.
2. Zadužuje se JP „Sarajevo“ d.o.o. da, po potrebi u saradnji sa Pravobranilaštvom Grada Sarajevo, poduzme potrebne mjere i aktivnosti kako bi se po raskidanju ugovora iz tačke 1. ovog zaključka, obezbjedio nesmetan posjed nad gradilištem objekta „Vidikovac-Trebević“, a s ciljem nastavka gradnje.



3. Zadužuje se JP „Sarajevo“ d.o.o. da po realizaciji tačkaka 1. i 2. ovog zaključka, odnosno da po preuzimanju posjeda nad objektom Vidikovac, isti preda u posjed Gradu Sarajevo kao vlasniku, te se zadužuje gradonačelnica Grada Sarajevo da, u skladu sa Odlukom o pristupanju Projektu osnivanja naučno-istraživačke infrastrukture „Tech4Green“, putem odgovarajućeg postupka, ugovori izvođenje potrebnih radova za ishodovanje odobrenja za upotrebu objekta.

*PREDSJEDAVAJUĆI
ZAJEDNIČKOM SJEDNICOM*

Toni Vukadin, s.r.